



Mješoviti Holding „ERS“
MP a.d. Trebinje
ZP "Hidroelektrane na Drini" a.d
Višegrad

Odluka Uprave Društva

UPRAVA PREDUZEĆA

Broj: UP-54-03/20

Datum: 05.11.2020. godine

Na osnovu člana 100. stav (1) i (5) i člana 110. Zakona o javnim nabavkama BiH („Službeni glasnik BiH“, broj: 39/14), člana 96. stav (6) Pravilnika o javnim nabavkama Preduzeća, broj: UP-09-06/16 od 16.03.2016. godine, te člana 57. Statuta Mješovitog Holdinga „ERS“ a.d. Trebinje - ZP „Hidroelektrane na Drini“ a.d. Višegrad, broj: SA-16-03/12 od 29.06.2012. godine, broj: SA-11-05/13 od 15.02.2013. godine, broj: SA-18-08/14 od 13.06.2014. godine, broj: SA-27-15/18 od 21.01.2019. godine i broj: SA-07-13/19 od 18.02.2019. godine, rješavajući po žalbi ponuđača „ASA osiguranje“ d.d. Sarajevo od 09.10.2020. godine, podnesena posredstvom Hadžimuhović Kenana, advokata iz Sarajeva (Punomoć od 09.10.2020. godine), izjavljenoj na Tendersku dokumentaciju, broj: T-29-O/20, u postupku javne nabavke usluga: „Osiguranje vozila, imovine i lica“, postupajući po Izjašnjenju po predmetnoj žalbi dostavljenom od Službe za komercijalne poslove Društva, broj: 04-02-983-8/20 od 04.11.2020. godine, Uprava Mješovitog Holdinga „ERS“ MP a.d. Trebinje – ZP „Hidroelektrane na Drini“ a.d. Višegrad je, na pedesetčetvrtoj sjednici održanoj u posebnom postupku telefonskim putem, dana 05.11.2020. godine, d o n i j e l a

O D L U K U

o obustavi postupka javne nabavke

Član 1.

Obustavlja se postupak javne nabavke usluga: „Osiguranje vozila, imovine i lica“, i preuzimanje narednih radnji se odlaže do donošenja Odluke/Rješenja Kancelarije za razmatranje žalbi, a po žalbi kandidata „ASA osiguranje“ d.d. Sarajevo, žalba od 09.10.2020. godine.

Član 2.

Na osnovu Izjašnjenja Službe za komercijalne poslove Društva, broj: 04-02-983-8/20 od 04.11.2020. godine, u postupku javne nabavke usluga: „Osiguranje vozila, imovine i lica“, po žalbi iz člana 1. ove Odluke, Uprava Društva je utvrdila da je ista blagovremena, dopuštena i izjavljena od strane ovlaštenog lica, ali da je neosnovana.

Ova Odluka, sa žalbom, Izjašnjenjem na navode žalbe i kompletnom dokumentacijom vezanom za postupak javne nabavke usluga: „Osiguranje vozila, imovine i lica“, prosljeđuje se Kancelariji za razmatranje žalbi na dalji postupak radi donošenja konačne odluke.

Član 3.

Ova Odluka stupa na snagu danom donošenja, i primjenjuje se do okončanja žalbenog postupka pokrenutog po žalbi kandidata „ASA osiguranje“ d.d. Sarajevo, te će se ista objaviti na internet stranici Ugovornog organa.

U skladu sa Odlukom/Rješenjem po izjavljenoj žalbi, Ugovorni organ će o nastavku postupka javne nabavke obavijestiti sve učesnike u postupku.

Prilog ovoj Odluci čini Izjašnjenje Službe za komercijalne poslove Društva, broj: 04-02-983-8/20 od 04.11.2020. godine.



Mješoviti Holding „ERS“
MP a.d. Trebinje
ZP "Hidroelektrane na Drini" a.d
Višegrad

Odluka Uprave Društva

OBRAZLOŽENJE

Ugovorni organ, Mješoviti Holding „ERS“- MP a.d. Trebinje – ZP „Hidroelektrane na Drini“ a.d. Višegrad, je objavio Obavještenje o nabavci, broj: 1171-1-2-389-3-56/20 na Portalu javnih nabavki Bosne i Hercegovine, kao i na svojoj web stranici, dana 25.09.2020. godine, u postupku javne nabavke usluga: „Osiguranje vozila, imovine i lica“.

Procijenjena vrijednost javne nabavke bez PDV- a iznosi 50.000,00 KM, nabavka se sprovodi putem otvorenog postupka, a kriterijum za dodjelu ugovora je najniža cijena.

U toku postupka predmetne javne nabavke od strane ponuđača „Triglav Osiguranje“ d.d. centrala društva je zaprimljena Žalba, broj: 08-11368/20 od 05.10.2020. godine, izjavljena na Tendersku dokumentaciju, broj: T-29-O/20, tvrdeći da ista nije sačinjena u skladu sa zakonskim propisima, tačnije, da je ista diskriminatorna, uz navođenje žalbenih navoda.

Nakon razmatranja predmetne Žalbe utvrđeno je da su žalbeni navodi neosnovani i da se, u skladu sa članom 100. stav (5) ZJN BiH, žalba i cjelokupna dokumentacija prosljedi Kancelariji za razmatranje žalbi, nakon čega je Ugovorni organ donio Odluku o obustavi postupka predmetne nabavke do donošenja konačne odluke Kancelarije za razmatranje žalbi, broj Odluke: UP-48-03/20 od 09.10.2020. godine.

Dana 13.10.2020. godine, na protokol Društva zaprimljena je Žalba ponuđača „Asa osiguranje“ d.d. Sarajevo, Žalba od 09.10.2020. godine, podnesena posredstvom Hadžimuhović Kenana, advokata iz Sarajeva, na istu Tendersku dokumentaciju, broj: T-29-O/20, u postupku nabavke usluga - „Osiguranje vozila, imovine i lica“.

U skladu sa članom 110. Zakona o javnim nabavkama BiH, kojim je predviđeno da izjavljena žalba ima suspenzivno dejstvo, i na osnovu činjenice da je prethodno donijeta Odluka o obustavi predmetnog postupka javne nabavke, Ugovorni organ je donio Zaključak, broj: UP-50-03/20 od 14.10.2020. godine, kojim se razmatranje i izjašnjenje po navodima iz Žalbe ponuđača „Asa osiguranje“ d.d. Sarajevo odlaže do donošenja konačne odluke Kancelarije za razmatranje žalbi po osnovu podnesene Žalbe ponuđača „Triglav Osiguranje“ d.d. centrala društva, Sarajevo.

Dana 02.11.2020. godine, na protokol Društva zaprimljeno je Rješenje Kancelarije za razmatranje žalbi, Filijala Banja Luka, broj: JN2-02-07-1-2766-6/20 od 29.10.2020. godine, kojim se odbija, kao neosnovana, Žalba ponuđača „Triglav Osiguranje“ d.d. centrala društva, Sarajevo, u otvorenom postupku javne nabavke usluga - „Osiguranje vozila, imovine i lica“.

Na osnovu prethodno navedenog, odnosno činjenice da je doneseno konačno Rješenje Kancelarije za razmatranje žalbi, Filijala Banja Luka, a na osnovu podnesene Žalbe ponuđača „Triglav Osiguranje“ d.d. Sarajevo, konstatovano je da su ispunjeni uslovi za razmatranje i izjašnjenje po navodima iz Žalbe ponuđača „ASA osiguranje“ d.d. Sarajevo, koja je podnesena u istom postupku javne nabavke.

Nakon razmatranja Žalbe ponuđača „ASA osiguranje“ d.d. Sarajevo, Služba za komercijalne poslove je Upravi Društva podnijela Izjašnjenje po žalbi kandidata/ponuđača, broj: 04-02-983-8/20 od 04.11.2020. godine, sa obrazloženjima osnovanosti, odnosno neosnovanosti žalbenih navoda.



Mješoviti Holding „ERS“
MP a.d. Trebinje
ZP "Hidroelektrane na Drini" a.d
Višegrad

Odluka Uprave Društva

Postupajući po žalbi ponuđača „ASA osiguranje“ d.d. Sarajevo, izjavljenoj na Tendersku dokumentaciju, broj: T-29-O/20, razmotreni su svi navodi iz žalbe, izvršen je uvid u kompletnu tendersku dokumentaciju, te je izvršena analiza svakog zahtjeva i dokaza pojedinačno i u njihovoj međusobnoj vezi, a sve u odnosu na navode iz žalbe i propisani zakonski postupak, te je utvrđeno da su, i u ovom slučaju, žalbeni navodi neosnovani i da se, u skladu sa članom 100. stav (5) ZJN BiH, žalba i cjelokupna dokumentacija prosljedi Kancelariji za razmatranje žalbi, te da se postupak predmetne nabavke obustavi do donošenja konačne odluke Kancelarije.

U skladu sa gore navedenim, primjenom člana 100. stav (5) i člana 110. Zakona o javnim nabavkama BiH („Službeni Glasnik BiH“, broj: 39/14), te člana 57. Statuta Zavisnog preduzeća, odlučeno je kao u dispozitivu Odluke.



Za Upravu:
Direktor,
Nedeljko Perišić
Nedeljko Perišić, dipl. ek.

Dostaviti:

- Upravi Društva,
- Ponuđačima 11x,
- Podnosiocu žalbe,
- Službi za komercijalne poslove x2,
- Kancelariji za razmatranje žalbi i
- Arhivi.